

---

## Қуёш фотоэлектрик станциялари қурган шахсларга компенсация берилади

Ўзбекистон Республикаси Вазирлар Маҳкамасининг қарори 14.04.2021 йилдаги 217-сон қарорига мувофиқ энергия тежовчи қурилмаларни харид қилиш ҳамда ушбу мақсадларга олинган кредитлар бўйича фоиз харажатларининг бир қисмини қоплаш учун бюджет маблағлари ҳисобидан компенсация ажратилади.

Компенсация қуйидаги харажатларнинг бир қисмини қоплаш учун ажратилади:

жисмоний шахсларга қуёш фотоэлектрик станциялари, қуёш сув иситкичлари, шунингдек, энергия самарадор газ-горелкали қурилмаларни сотиб олиш харажатларининг 30 фоизи миқдорида, бироқ:

қуёш фотоэлектрик станциялари учун – 3 миллион сўмдан;

қуёш сув иситкичлари учун – 1,5 миллион сўмдан;

энергия самарадор газ-горелкали қурилмалар учун – 200 минг сўмдан ошмайдиган миқдорда;

қайта тикланувчи энергия манбалари қурилмалари, энергия самарадор газ-горелкали қурилмалар ва қозонлар, шунингдек, энергия самарадор бошқа ускуналарни харид қилиш учун олинган кредитлар бўйича фоиз харажатларининг бир қисми қоплашга:

жисмоний шахсларга – 500 миллион сўмдан ошмайдиган кредитлар бўйича – Марказий банкининг қайта молиялаш ставкасидан ошган қисмида, бироқ 8 фоиз пунктдан кўп бўлмаган миқдорда;

юрidik шахсларга – 5 миллиард сўмдан ошмайдиган кредитлар бўйича – Марказий банкининг қайта молиялаш ставкасидан ошган қисмида, бироқ 5 фоиз пунктдан кўп бўлмаган миқдорда.

***Олтиариқ туман адлия бўлими бошлиғи А.Юлдашев***

2022-12-19 14:35:04